



Inatsisartunut ilaasortaq
Aqqalu C. Jerimiassen, Atassut
/Maani

**Qillertuusaq utertinneqarnermini ilusimisoqqissaaq iluseqartussaataaava?
pillugu § 37 naapertorlugu apeqquteqaammut nr. 186-2024-mut akissut**

Asasara Aqqalu

Qillertuusaq utertinneqarnermini ilusimisoqqissaaq iluseqartussaataaansoq?
pillugu Inatsisartut Suleriaasianni § 37, imm 1 naapertorlugu Naalakkersuisunut
apeqquteqarputit?

Apeqqutit uannut akineqartussanngorlugit innersuunneqarpoq.

Akissut


Pilersuisup pisiniarfiinut immikkut inatsimmik atuuttoqanngilaq aammalu
utertitassanik tiguisarneq pillugu apeqqut Namminersorlutik Oqartussat aamma
KNI A/S-ip akornanni nioqqutissanik pilersuineq pillugu maannakkut
kiffartuussinissamut isumaqatigiissutaanni sammineqanngilaq. Imeruersaatit
immiaaqqallu puui pillugit Namminersorlutik Oqartussat nalunaarutaanni §3,
imm 2-mi allassimavoq: Pisiniarfiit poortuutunik tunisisartut poortuutunik,
imaarneqareernerminni atuisunit utertinneqartunik tigusinissamut,
atoqqitassanngorlugillu utertitsinissamik qulakkeerinissamut pisussaaffeqarput.
Imeruersaatit immiaaqqallu puuisa utertitassat utertinneqarnerminni qanoq
issusissaannut tunngatillugu, imeruersaatit immiaaqqallu puui utertitassat
tiguneqarnissaannut piumasaqaataapput: Imeruersaatit immiaaqqallu puui
imaarneqareersimassasut, utertinneqarnerminni minguitsuussasut kiisalu puukup
stregkode-a tamakkiisuussasoq. Imeruersaatit immiaaqqallu puuinut
tunngavissarititaasut taakkua naammassineqarsimanngippata, assersuutigalugu
stregkode-a qillertuusami iloqissersimasumi imaluunniit kigartorsimasumi
atuarneqarsinnaanani, pisiniarfiit puukoq tiguniarnagu aalajangersinnaapput.

Inussiarnersumik inuulluaqqusillunga


Kalistat Lund

Allakkat ulluat: 22-08-2024
Suliap nr.:2024-16228
Akt-id: 24494502

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl



12. august 2024

Aqqalu C. Jerimiassen

Inatsisartut suleriaasianni § 37 imm. 1 naapertorlugu Naalackersuisunut apequt imaattoq matumuuna saqqummiuppara.

Naalackersuisunut apequtit:

1. Qillertuusaq utertinneqarnermini ilusimisoqqissaaq iluseqartussaataava?

(Inatsisartuni ilaasortaq Aqqalu C. Jerimiassen, Atassut)

Tungavilersuut:

Sumiiffinni pilersuisoqarfiusuni ataasialinngitsumik tusartarparput, qillertusar kimillanneqalaartillugit imissimatillugilluunniit Pilersuisumit uterteqqusaanngitsutut taaneqartarsimasut. Tamannali sumiiffinni Pilersuisoqarfiunngitsuni atuutsinneqarani. Immikkut inatsimmik KNI A/S-imut peqarsimanersoq nassaarisinnaanngimmat paasersunnarpoq.